

觀

象

玩

占

觀象玩占卷之二十九

虛宿雜座

司命司祿司危司非

總叙

司命二星在虛北舉過行罰滅除不祥主百鬼主生死司祿
二星在司命北主爵祿主增延年德司危二星在司祿北主
矯失以正下主察驕逸司非二星在司危北主祛多私主伺
察内外過失八星皆冥官之職主天子以下至于庶人壽命
爵祿安危是非之事制天下死生之命福善禍淫皆其所司

其星微細不明則無咎明大則天下人灾

雜干犯占

熒惑守司命天下多暴死者

彗孛出司命妖惑起王者憂之

哭星泣星

總叙

哭二星在虛南主號哭

泣二星在哭東危南主恣泣其星

皆不欲明則天下多死喪國多哭泣事

雜干犯占

月五星犯哭泣皆為有死喪哭泣事

客星守哭泣人主有哭泣事

流星出哭泣有使者以死喪事出若人之有以死喪事來者

天壘城

總叙

天壘城十有三星形如貫索在哭泣星南主北夷丁零鬼臼
奴鬼之類所以候其興敗也

雜干犯占

金天入守天壘城夷人犯塞

客星入天壘城北胡王且操騎馬入中國若守之北敵未侵
彗孛出天壘城校尉以軍反

赤氣掩入天壘城北夷驚有疾疫

離瑜

總叙

離瑜三星在十二國東主婦人服飾離 衣也瑜玉飾也
其星微小則后宮儉約明盛則婦人奢縱

雜干紀占

彗孛客星出離瑜後宮無禁

敗曰

總叙

敗曰四星在北落師門之南主凶災其星溫然微而不明則天子吉人民安明大搖動則人主有憂疾天多災凶人愁苦多喪死石氏曰敗曰一星不具則民棄金甌皆不見則室無居人

雜干犯占

五星犯曰敗除舊更新石氏曰民不安其室憂失其金甌火星犯敗曰為飢為喪民去其鄉

客星守犯敗曰天下兵起軍糧急石氏曰兵以飢起

流星入敗曰天下有急發米粟之事杵曰用期年

彗星出敗曰天下有急兵國憂年飢

赤氣入敗曰人主凶

危宿雜座

鉤星

鉤星九星一日天鉤在紫微宮東蕃之外傳舍之東造父之

北主輿服法式其星則法式正不明則儀服失度星直則

地動

雜干犯占

彗孛干犯天鉤若客星守之或直皆為地動

造父

總叙

造父五星在傳舍南河南御馬之官也一日西橋一日司馬一日百藥星亡則馬大貴明則吉移徙則兵起馬貴

雜干犯占

熒惑入造父車馬貴郝明曰水大出黃帝占曰財官騎士出馬

動兵起

客星入造父材官騎士出若入之兵起地大動

赤星入造父車馬貴

彗星出造父僕御殺主有斬死者兵尽起若犯入之兵起庶
馬出一日御馬官誅

車府

總叙

車府七星在天津東近河首抵司非尾指天鉤主官車之
府賓客之館也其星動搖則兵車大動

雜干紀占

金大守犯居府兵車大動

彗星犯車府天下兵車急出

杵星

總叙

杵三星在人星東主播糧正直下旧則吉不相當則軍糧絕不
直則民飢不具則人棄釜甑不明則歲凶聚則豐疎則歉
動搖則大飢人流亡

曰四星在杵南仰則歲豐傾覆則歉餘占與杵星全

雜干犯占

五星犯守杵曰天下有急祭粟

客星守杵曰歲飢民急於財黃帝占曰天下會聚粟米一日民失杵曰君犯之歲歉人急有兵若入之天下有急兵起
彗孛出杵曰有急粟天下大飢

人星

總叙

人星五星在車府東如人形主万民一曰卧星主防淫上官也
一曰人星主靜安衆庶彗遠迹能星立則天下人多死不具則
王者王有子不成而死星亡不見則有詐詔若訛言相驚之事

且有婦人之亂天下兵起人流徙

雜干犯占

五星客兵彗孛守犯人星天下兵疫飢荒人大災

客星入人星天下有詐詔符傳相驚事

彗星出人星尚書反

墳壤

坟墓四星綴尾星下如墓形主山林喪葬之事星不欲其明明

則天下多死人失常則山毀敗

雜干犯占

五星守犯坟墓国有死喪

彗星犯坟墓山陵有災

虛梁

總叙

虛梁四星在危南主國陵寢廟鬼神之祠非人所處故謂之虛梁

雜干犯占

金火犯守虛梁兵起

彗星犯虛梁宗廟改易

蓋屋

總叙

蓋屋三星在尾南天子治宮室之官也其星明大動搖則工役大作

雜干犯占

五星守犯蓋屋工役興兵大起

天錢

總叙

天錢十星在北落師門西主錢帛府庫其星明則府庫暗則虛耗

雜干犯占

金天守天錢兵起亦為府庫有盜賊之事

彗孛犯天錢盜賊焚府庫

室宿雜座

騰蛇

總叙

騰蛇二十二星在室北河濱若盤蛇之狀一曰天蛇之也與龜黿
交水虫之長也主水族水中之虫皆為屬星明則水族茂魚
鹽賤不明則反是石氏曰天蛇徙而南則兵起徙而北則大水

一曰天蛇明大動搖則水虫為孽天下有大水災一日從而南大旱

雜干犯占

五星守犯天蛇天子前驅山甘氏曰奸臣有謀前驅為變天子憂之

火星犯天蛇又為魚鹽貴

金水犯天蛇又為水災水物不成

客星守騰蛇雨水為災石氏曰水物不成水虫為敗

流星出天蛇水災俱作地震有兵喪若入之雨水為害水物不

成魚鹽貴期不出其年

珙字出天蛇水道不通天下大恐

黑氣出入天蛇天下大水

离宮

總叙

离宮六星兩：而居在室宿左右天子之宮主隱藏休息之所
星動搖則土工兵不具則君憂一日君無子

離于犯占

月宿移离宮君數移寢處

金大干犯离宮成勾己環繞皆為兵起

客星出离宮若犯為喪

彗孛干犯离宮宮室有脩除事

雷電

總叙

雷電六星在室宿南主具雷動蛰其星明大動搖則歲多
雷電不明則否

雜干犯占

流星出入雷電為風雨不出七日又曰赤色旱青白色雨土公吏

土公吏

總叙

土公吏二星在營室西南主設備司過失其星明動則土工役大起

雜干犯占

災感守犯土公吏有大災兵起

太白守犯土公吏兵大起

壘壁陣

總叙

壘壁陣十有二星在室壁南橫列其中四星其兩端各四星

四方羽林軍壘也主天子軍營星明則國安失常則兵起搖動則軍不安移徙則將死星不具則兵出亡則兵息出天下亂

雜干犯占

五星入壘壁陣皆為兵起

大星入壘壁陣將軍為亂宮中兵起

太白守壘壁陣天下兵起左右幸臣作亂

客星入壘壁陣兵起

流星入壘壁陣色青入南則后憂入北則諸侯憂色赤黑入東后
有謀入西太子憂色黃白諸侯受賜

羽林軍

總叙

羽林軍四十五星三三而居散在壘壁陣之南一曰材官一曰天南庫一曰單于軍衛士之象主翼王至咸曰羽林為天軍水官也主守衛天子之官故在室壁之南其星明而象實則國安稀疎不明則兵士出不具則兵大出亡不見則天下兵盡出却萌曰羽林動搖則兵起不出六十日車騎并

雜干犯占

月入羽林軍中兵大起

五星入羽林軍兵起若逆行或變色或勾已天下大兵起關梁阻塞不出期年一日逆行入羽林軍有叛臣

歲星入守羽林軍諸侯悉發兵強臣謀主王者王者期三年

木星順入羽林軍與師吉以始入日言國

玄冥占曰木星守羽林軍有破軍殺將一日與兵者吉

熒惑入羽林軍若守之有叛臣中兵為亂又曰兵不可用守之二

十日天子當之黃帝占曰有大赦石氏曰火星守羽林軍三十日亡

角赤色大國有急諸侯悉發兵一日與兵者亡守二十以上

臣謀逆有破軍殺將逆行成已天下有大兵道路不通

鎮星入羽林軍有大喪大水

太白入羽林軍中天子為軍自守若守之大將出臣謀君有喪

太白逆行羽林軍成勾已有亡國

辰星入羽林軍巫咸曰天下兵起四夷入國人主憂又曰國以水為

憂餘與前同

客兵守羽林軍兵大起邾萌曰將吏憂若出羽林巫咸曰兵大起有亡國守之久將有謀主者憂期三年

客星出羽林軍色黃白軍有喜色赤臣叛主君以戊己日見

中兵起天子有大憂

流星入羽林軍石氏曰流星色赤入羽林軍東軍起兵入西太子起兵入北諸侯起兵出羽林軍則兵出隨星所之又曰流星色赤入天軍之南天子死入西太子死入北諸侯多死

流星色黃白入天軍之西天子立太子入其中天子立諸侯

天不則受賜

流星色白入天軍之南后憂疫 色黑赤入天軍東后有謀

彗星出羽林軍兵起宮中臣弑君大人被甲若守之三十日國破

君亡

蒼白氣入羽林軍有憂入其南若入羽林直南出皆為兵后有

憂入其北諸侯憂出之則禍除

赤氣入羽林軍兵起入其東后兵起入其西太子起兵入其北諸侯起兵

黃氣入羽林軍天子入軍中

黑氣入羽林軍兵起大戰入其南天子忌之入其西太子忌之入其北諸侯憂

赤氣出羽林軍兵隨之出

黃白氣出羽林軍南后有所獻出其北太子有所獻

晉孝武太元二年二月苻感守羽林軍占曰禁兵大起三

年八月秦人寇楚鄧襄陽彭城四年三月襄陽朱序沒四月魏
興陷賊聚廣陵三河衆五六万於是諸軍次衝要丹陽尹
弼衛師京

鉄銭

總叙

鉄銭三星亦曰鉄鎖在羽林軍西主斬殺枉詐星不欲明動
皆為鉄銭月移徙失常則兵起

雜干犯占

月犯鉄銭刀銭用將有憂一日有叛臣

五星中犯秉守鉄銭天下不安為斬奸謀之事臣叛主

客星入鉄銭黃帝占曰士卒乱外兵擒未其將一日鉄銭用以
入日占國若犯守之皆為軍將有憂

彗孛出鉄銭人主以妄濫杀人致臣謀反

北落師門

總叙

北落師門一星在羽林軍西南天軍之門也主候非常落者
蕃落也其星明大則將武兵精天下安細微則兵羸將
弱武備不修壘不見則天下有兵大將出不寧人主憂芒角

動搖則兵大起

雜干犯占

月犯北落師門天下兵起

歲星守北落師門軍吉久守之若犯乘之或逆行之則有兵戰破

軍殺將期百八十

熒惑中犯乘守北落師門兵大起大戰破軍殺將伏屍流血

鎮星占全歲星

太白入守北落師門兵大合于軍門海中占曰天下有兵夷狄

入塞北犯之占同熒惑

辰星占全太白

客星犯守北落師門天子有喜

黃星出北落師門天子使出軍中有喜

赤星出北落師門兵出

流星抵北落師門天下有兵北夷入塞大將出鉄鉞用若金兵起
彗星出北落師門兵起大戰殺大將一日四夷作乱人主自將兵

於外期三年遠五年

蒼白氣入北落師門有疾疫

赤氣入北落師門外兵入

黃白氣入北落師門中使至軍有喜

黑氣入北落師門將死

赤氣出北落師門兵出

八魁

總叙

八魁九星在北落師門東南主設机穽掌禽獸之官

雜干紀占

金天入守乘入八魁兵大起

天網

總叙

天網一星在北落師門西南主武帳官舍天子弋獵之所

雜干犯占

金火孛孛犯天網兵起

壁宿雜座

天廐

總叙

天廐十星在東壁北狀如天錢天馬之廐也主傳舍

其星變色失常則人主以馬為憂否則馬病明而動則天下駟使繁多星亡不見則天下道路斷絕

雜干犯占

月行入天廐外兵歸人主不安

木星入天廐中馬災若守之人主以馬為憂

火星入天廐馬災若犯守之兵起馬出

土星與木星同占

金水與火星同占

客星入馬廐馬有驚焉郝萌曰馬災廐車出滿三日有赦若出

守之有驚焉戒事

流星出天廐天下驚焉

彗孛出天廐天下各廐有火災一日車馬有怪一日臣執主權有災

土公

總叙

土公二星在壁宿南主營造起土之官其星動搖則土工興

雜十犯占

流星衝犯土公土木之官憂

雲雨

總叙

雲雨四星在霹靂東南主雨澤成万物其星明則多雨有水災

星亡則大旱

雜干犯占

火星守雲雨大旱

水星守雲雨大水

霹靂

總叙

霹靂五星在土公南主與雷奮擊其星明動則多震不明則否

雜干犯占

五星守犯霹靂其歲多霹靂震驚

鐵鎖

總叙

鐵鎖五星在羽林軍東天倉西門乃焚刈之具也主斬食糧牛馬星明則蕃暗則耗亡不見則牛馬多死

雜干犯占

客星守鐵鎖大臣誅

彗孛守鐵鎖為兵將死

觀象玩占卷之二十九終

觀象玩占卷之三十

奎宿雜座

王良

總叙

王良五星在奎北河中一日天津一日天濟漢中四星為之天駟旁
一日王良主天馬又津梁主御風雨水道一日天橋天子奉車渡
水之官也荊州占曰王良為西橋或占車騎或占津梁黃帝占
曰四馬參差不行列則天下安若四馬各行王良策策則
天下不安天子自臨兵石氏曰王良星移則有兵不具則津

道不通王良策馬則車騎滿野天下大亂兵大起明君出期
不出三年却萌曰王良正馬疾病焦延壽曰天駟星移近閭道
則有江河之變荊州占曰王良與馬齊則天下大急却萌曰王
良向造父則馬賤石氏曰王良不居漢中則有兵入曰王良四
馬動搖則天子欲出小動小出大動大出四馬芒角天子自將
兵期二年又曰王良天駟皆明則馬吉移徙失色則馬自災

雜干犯占

歲星犯王良天下有兵強臣謀主期不出其年

熒惑入王良正歲日人主有墜車墜馬之憂馬多死道不通却

萌車馬貴一日有故一日地動

熒惑守王良兵馬大動春秋文曜鉤曰津梁不可度諸侯不通
石氏曰火守王良二十日將亡五十日將士皆亡郝萌曰天下大水天
子馬多死齊伯占曰諸侯相攻強臣謀主期不出其年

鎮星犯守王良占同歲星

太白入王良馬多死津梁不通國有憂

太白守王良兵起天子馬死守三十日大將亡一日主將皆亡

太白犯王良強臣謀主

辰星犯入棄守王良占同太白

客星入王良將士皆亡若入守之天下兵車大動將死君憂

客星出王良天下有急閼津馬多死

客星守王良兵馬大動民疫病津梁不通

流星入王良天下有急兵起馬多死津梁不通陳卓曰天下兵悉起若出之兵出

彗孛出王良天子好馳隨奉車反兵大起馬多死天下急津梁不通犯之今占

蒼白氣入王良天子憂墜車馬奉車憂出出之禍除

赤氣入王良太僕奉車誅

黃氣入王良奉車拜賜天子有喜諸侯有馭馬者一曰有神馬見
黑氣入王良奉車太僕死

赤氣出王良車騎滿野

黃氣出王良奉車受命行德令一日天子出車馬賜諸侯王
赤氣中駟馬內亂兵起

附路

總叙

附路一星在閭道南傍別道也所以備閭道之敗缺一曰伯樂
主掃除主禦風雨一曰附路太僕之象石氏曰附路以通道路

不虞星明則人主昌民不殃亡不見則道路塞郝萌曰附路正馬車騎滿野正馬謂移居四馬之前則天下大亂期十月

雜干紀五

五星犯守附路石氏曰太僕以罪誅一日馬多死道無乘馬者客星犯附路天下半隔若入之兵大起

客星出附路至咸馬當賤若守之太僕以馬得罪

流星抵附路太僕有憂馬多死若馬大出期二年

彗孛犯附路天下大飢兵大起人主自臨兵

蒼白氣入附路太僕憂之出附路禍除

赤氣入附路太僕有斧鉞之誅

黃白氣入附路太僕拜賜出之有德令

黑氣入附路太僕死

赤氣出附路兵起

閣道

總叙

閣道六星在王良前從紫微宮至河王良旗也一日紫宮旗水官也
主杆難滅咎石氏曰閣道形如飛閣從紫微宮北出至河上天
子御道神所乘也主道路人為天子遊別宮之道其星行列

正直而明而人主言天下安不具則御道不通動搖則宮掖之內兵起移徙則臣下有謀主者

雜十犯占

五星化守閭道九州異政各主其主天下起兵期不出二年

大星守閭道又為臣謀主閭道中有伏兵宮中兵起荆州占昌德兵客星出閭道王者不可私行若犯閭道中有伏兵天子戒之

流星犯衝閭道天子戒出入

流星入閭道王者憂左右有謀道中防伏兵若道不通期百八

十日遠一年

彗孛出閭道御道中有伏兵謀主兵

彗孛犯閭道天下道路不通一日有更主

白氣入閭道有急事在內

黃氣入閭道天子有喜

白氣出閭道人主有疾病

策星

總叙

策一星在王良前天子僕也主執御巫咸曰策主天子兵馬金
官也其星動搖則天子出移徙居焉後亦謂之策馬有大兵起

雜干犯占

五星客星守犯天策兵大起天子自將一日客星守策星下有誅
人主不可出宮

軍南門

總叙

軍南門一星在天大將軍西南主詆訶出入其星動搖則兵起不覓則天下兵亂

雜干犯占

金火守犯軍南門軍憂

外屏

總叙

外屏七星在奎南以蔽天濶其星不見或移徙則不安民人失業

雜干犯占

白氣入外屏為兵

天濶

總叙

天濶七星在外屏南天廁也其星不見則人不安多疾病

雜干犯占

客星守天濶溺下之象

土司空

總叙

土司空一星在奎南地官也主水土之事知歲禍福其星明大黃潤則天下安不明若亡不見則國有喪角動則土工興徵暗則有旱災

雜干犯占

歲星犯土司空其國以土起兵有土工之事天下旱

熒惑守土司空其國以土起兵有土工之事郝萌曰天子侮大臣

太白守土司空邦君有死者其國以土起兵有土工天下旱石氏曰有兵喪天下夏災水

鎮星守犯土司空其國土工興

辰星守犯土司空水災土工興若以土起兵皆以入日占國

客星入守土司空工役大興男女不得耕織天下大疾石氏曰旱出之外

臣憂夷狄兵起人民愁若徃役守之宮中有哭泣事

流星抵土司空兵起土工興

彗孛出土司空兵大起工役興一日大將軍憂

黃氣入土司空土工大作有建國徙都之事

婁宿雜座

天大將軍

總叙

天大將軍十二有星在委北金官也天之師帥中央大星大將也其餘星小吏士也大星動搖則大將出小星不具則兵解黃帝占曰天大將軍欲其安靜而明則天下兵不具大將軍寧其星不明若動搖則天下大兵起大將出行海中占曰天大將軍動搖則天子自將將其左右星曰旗芒角所指者敗一日天大將軍明則將武兵精暗則兵羸將祛星亡則將死

雜干犯占

歲星入天大將軍吉犯之為大將死

熒惑入天大將軍石氏曰大將死一日軍中飢守之兵起將軍行守之
三十日天下有兵

鎮星占與歲星同

太白辰星占與熒惑同

客兵守天大將軍大將憂

彗孛出天大將軍將軍及兵大起若犯之將軍死敗散

蒼白氣入天大將軍將軍中疾疫兵將多死

赤氣入天大將軍兵將皆有凶軍在外防客來

赤氣出天大將軍兵大出

左更右更

總叙

左更五星在婁東山虞也主知澤林藪之事右更五星在婁西牧師官也主畜牧牛馬左更右更秦爵名也左更主人在更主礼兩吏不具天下道不通動搖則王者出不動而出則必道亡左更不動而右更動則天子私出左右具動則千乘萬騎由道而行

雜干犯占

金火犯守左右更山澤有兵

天倉

總叙

天倉六星在娄南主倉庫之藏大司農之事其星黃大而明則倉廩
豐倉中小星象則儲積富星稀少則倉廩虛石氏曰天倉戶開
則歲大熟戶閉則歲不登天下飢黃帝占曰天下有兵而倉庫之戶
俱開則主人勝客之事不成天倉不具則道不通軍絕糧

雜干紀占

月入天倉人主憂則室出天下有兵亂臣在內若犯之谷粟出一日兵
起有轉粟之事

五星犯守天倉若人之主憂國室出亂臣在內天下有兵發粟

水星入天倉而守之巫咸曰歲惡民飢天下有轉粟事齊伯曰
木星守天倉諸侯奔粟兵起糴貴若當門守之將受命為主用
火星入天倉或出其中天下粟斂一邦

郗萌曰火星近天倉天下大旱轉粟一曰千倉敗天下亂

春秋圖曰火經天倉去而不守其年糴大貴倉粟出若入其中
守之天下轉粟給兵若運行守犯之天下大飢人相食

太白中犯乘守天倉四夷人相食期三年兵起西方若北方若當
戶守之將不為主用

客星入天倉米貴於玉郗萌曰外夷以奇物來貢石氏曰兵起道

不通馬大貴當天倉而守之將吏倉主^受糧而不用命

流星犯天倉：廩^受并五谷大貴民大飢人主憂

流星入天倉甘氏曰天下飢谷散出有轉粟事石氏曰流星赤色入天倉中兵內起犯之早有大災出之則倉粟以兵出

流星色黃白出天倉中歲大飢粟出

彗孛出天倉兵大起歲不熟出之禍除

赤氣入天倉兵內起有火災

赤氣如波揚入天倉大旱火大起

黃白氣入天倉天下大熟

蒼黑氣入天倉其歲不熟

赤氣出天倉以兵出粟

天庾

總叙

天庾三星在天倉東南主露積亦為積粟之屋塲園之所其

占與天倉同

雜干紀五

災感入天庾大旱粟貴倉庫脊

胃宿雜座

天船

總叙

天船九星在大陵北河中一曰舟星一曰天吏主濟渡又主水旱常居漢中天大將軍之兵船也其中有四星常欲均明則天下安不明或移徙或消小不見皆為天下有兵喪石氏曰天船不居漢中則天下兵起津河不通川水大出有沒國

雜干犯占

月入天船百川流溢天下津梁不通

歲星犯守天船舟船用有亡國

熒惑入犯天船至咸曰諸侯有自立者兵起津梁不通人主憂
熒惑守天船郝萌曰不出三年樓船大作五谷大貴玄冥占曰
天下有兵喪守之三十有亡國

鎮星占同歲星

太白占同熒惑

辰星守天船兵大起舟船用有亡國郝萌曰天下革一日大水溢魚
入人居

客星入天船大水若守之有兵一日王船有事出之大水有舟船之事
流星入天船天下大水舟船用津道不通有急事

彗星出天船外夷來侵水賊兵起至咸曰大水一日天下大旱

赤氣入天船不出一年有自主者一日不出九十日水中兵戰

蒼白氣入天船有殃天子不可乘船出之禍除

赤黑氣入天船天子戒乘船

黃白氣入天船天子幸船有喜必有神狀若光景處船上者

青氣或黑氣入天船舟師勿行

赤氣出天船水兵起

積水

總叙

積水一星在天船中主候水災其星明大動搖則大水

雜干犯占

五星入守積水天下大水

大陵

總叙

大陵八星在胃北主死喪又主陵墓其星不欲明則天下多死喪兵起其中小星衆則天下果聚死人如麻

雜干犯占

月入犯大陵天下多死人乙巳占曰天下盡喪服

五星入守乘犯大陵天下死人如麻石氏曰國有大喪大臣有誅死者天下人死太半不出其年

火星入大陵又為女主宗室有誅者

客星出大陵或入守之皆為有山陵之役

流星入大陵有土工坎陵之役

流星抵大陵國有大喪大人當之期不出三年

流星出大陵所至有積尸若犯衝之塚官憂

彗孛出大陵有大喪土工山陵之役或曰天子以不意見犯復出

之將軍反若犯之者有大兵陵廟憂

蒼白氣入大陵天下多死喪

赤氣入大陵天下兵起多以兵死

黑氣入大陵大役

積尸

總叙

積尸一星在大陵中陵墓之屍也一日積京主死喪星明則天下人多暴死不明則言不見則天下無橫死者

雜干犯占

月犯積尸亂臣在內有大喪一日貴人憂刀鉞用

五星入犯乘守積尸天下大兵大疫積尸如丘

客兵犯積尸國有大喪人主惡之

黑氣入積尸天下大疫死

天廩

總叙

天廩四星在昴南主蓄黍稷供享祀一曰天廩主廩藏會計之事其星齊明則年豐國足民安天子吉小而不明則歲惡國虛人飢臣受君祿而不修其戕其色黑則廩粟腐敗

雜干犯占

五星犯天廩天下亂民大飢粟散出不出其年

火星守天廩又為兵起天下有聚粟有轉粟之事

月犯天廩天下粟貴一犯一貴

客星入天廩中色青天下多憂色赤大旱多災色黃白歲熟

客星出天廩甘氏曰粟貴天下民流亡

客星犯天廩天下亂

客星犯守天廩倉粟斧石氏曰馬大貴

流星入天廩天下大飢五谷不成民死粟出期二年

彗孛出天廩兵起倉粟出人飢流

彗孛犯天廩蝗虫為害歲飢民流亡

赤氣入天廩大旱有大災

黑氣入天廩粟腐敗

黃白氣入天廩歲豐

蒼白氣入天廩虫大生出之則禍除

黃白氣出天廩天子出賑民

黑氣出天廩大水傷谷

赤氣出天廩天子以用兵出粟

天國

總叙

天圜十有三星在胃南主御糧百庫之藏其星欲明而衆實則庫滿不明及中星稀則庫藏空國有憂不見則倉庫皆竭變動失色則天下飢

雜干犯占

五星入天圜天下兵起國儲尽齊民大飢一日御物出府庫空太白入天圜又為諸侯謀倉庫破大旱大水大飢客星出天圜若守之天下大旱人飢相食

流星入天圜兵起粟米出軍糧急期半年若一年

夢望出天囿倉庫空有出粟天下飢民流

觀象玩占卷之三十終

觀象玩占卷之三十一

昴宿雜座

卷舌

總叙

卷舌六星在昴北主利口亦主樞机其星曲而靜中星稀則国安貴人
進用直則天下多口舌之害明大則利口用事諛言大行動枉
則兵起其中星衆則兵大起邠萌曰卷舌星盛則天下多口
舌民多病死兵大起若不具漢中則天下爲妄言

雜干犯占

月犯卷舌天下多死喪

五星入犯乘守卷舌石氏曰天下多死喪又曰有佞臣謀誤其君

以口舌生事人主憂之一曰君以口舌起寇

火星守卷舌又為兵起大旱

金星守卷舌又為兵起

客星入卷舌若守之天下有妄言惑主人主信之反無辜

流星入卷舌諛臣亂國

彗孛入卷舌人主信諛誅殺忠臣一日民多訟大臣反有咒咀一日近

臣憂戕期一百八十日

天說

總叙

天說一星在卷舌中主巫其星不見則吉明大動搖則佞臣得志國有大憂

雜干犯占

客星守天說天下妄言

天阿

總叙

天阿一星在胃東昴西主察山林妖變動搖則國有妖

雜干犯占

五星客星彗字干犯天阿妖言滿國

砺石

總叙

砺石四星在車北主磨砺鋒刃星明則兵起

火星犯砺石邊兵起

黃帝占曰火星舍砺石二十日諸侯開庫發兵

金星犯砺石兵起以入日占國

客星守砺石兵動百工用

彗星出砺石兵大起

月星

總叙

月一星在昴東女主大臣之象主太陰亦主死喪之事其星明大則
女主專政大臣用事

雜干犯占

金星守火星犯守月星臣下兵起

客星彗孛出月星國易主

客星彗孛犯月星女主死亦曰大臣誅

天陰

總叙

天陰五星在柄畢西主客謀一曰天陰主從天子遊獵之臣其星不明則吉明則禁言漏洩

雜干犯占

芻藁

總叙

芻藁六星在天苑西主積草供牛馬之食一曰天積天子之藏府也其星明而中星多則歲豐穰不明及中星稀則歲不登庫藏耗無星則庫藏悉空不見則芻藁貴牛馬多暴死

雜干犯占

月入天積財室出亂臣在內人主憂

五星入犯天積亂臣在內財室出

火星犯守天積又為庫藏憂火災

赤雲氣入天積中火災

黃白入天積天子自喜多出貨財出之天子用喜出貨財

赤氣出天積天子因火散財

天苑

總叙

天苑十六星在昴畢南如環狀天子畜牧之苑金官也主畜牧
犧牲具星行列齊明其中小星衆則畜獸蕃息細微不
見及中星稀則畜牧不蕃牛羊多死石氏曰天苑星不具者

雜干犯占

五星入天苑禽獸多疫死若守之兵起馬多死

火星入天苑又為天下將以馬起兵

太白入天苑又為天下將以馬起兵馬以兵而死耗荊州占曰王者出

兵征夷狄

客星入天苑畜多傷死

客星守天苑畜不尊禽獸多死邊兵入境天子以馬起兵

流星入天苑兵起馬出行多死禽獸多死

黃星入天苑畜獸蕃悉

蒼白黑星入天苑畜獸多死

赤星出天苑牛馬以兵事出

蒼白黑星出天苑牛馬大出石氏曰流星入天苑名馬入有使臣以馬
事來出天苑名馬出有使出以四足虫為敵

彗星犯天苑都護反若出天苑兵大起馬出畜多死

蒼白氣入天苑牛馬畜獸疫出之則禍除

赤氣入天苑牛馬多死傷

黃白氣入天苑牛馬禽獸蕃息

黑氣入天苑牛馬死出之禍除

赤氣出天苑牛馬以兵事出

異宿雜座

五車

總叙

五車五星三柱共九星合十有四星在畢東北五神之外座也一曰

天庫一曰天倉其西北端一曰大星曰天庫為天將軍主秦主太

白其神名曰令尉次東星曰天獄主燕趙主辰星其神名曰風
伯次東星曰天倉主魯衛主歲星其神名曰兩師次東南
星曰司空主楚主鎮星其神名曰雷公次西南星曰卿主韓
魏主熒惑其神名曰豐陰星有變則各以所主言之三柱鼎
足而居一曰休格一曰旗一曰三泉五車者天子之車舍也主
天子五兵邾萌曰五車一名曰咸池一名五潢一名重華巫咸
曰五車天子水官主五兵又主輕車石氏曰五車天庫星主豆
天獄星主稻天蒼星主麻正南司空星主黍粟西南卿星
主麥占歲之豐凶必候之五車星動搖或變色則國有兵五

谷大貴人飢隨星士所居占之三柱動三十日車騎一柱不見
三分之一車行二柱不見三分之二車行至三柱皆不見車尽行
天子自將兵柱外出不與五車相近者軍出穀貴轉輸千里
柱出一月谷貴三倍期一年出二月谷貴六倍期二年出三月
谷貴九倍期三年三月不入穀貴十倍石氏曰五星柱外出不居
兩星之間天下大水木大貴柱倒立者戰車土大貴轉土千里
五車星欲其均明潤狹有常五車庫星不見或中河而居
則天下有積死人不可渡五車小星繁多則兵大起五車休出
庫甲兵強輕車騎出休出倉大車出婦女輓粮休格所指車

從之五車倉庫星不見軍絕食大穷而亡五車旗不見天下大風
發屋拆木五車休旗動搖四夷叛五車移徙五穀不成兵起五
車休格反抵大星兵起天下先起者勝五車星俱明五谷豐一星
不明一谷不成五車失色赤地千里野草不生

雜干犯占

月入五車兵起道路阻

一日月入五車臣喻主

月犯五車兵車促駕

一日貴人死

月暈五車一星赦小罪暈五星并昴畢大陵有赦暈庫一柱兵少出二柱兵半出三柱兵尽出有兵在外暈一柱兵少罷二柱兵半罷三柱兵尽罷

五星犯五車大早有喪犯庫星兵起北方西方犯倉星谷貴有水歲星入五車兵大起五谷不成民飢軍絕糧郝萌曰向者旁糴貴三倍入其中當其門俱貴五倍石氏曰木入中犯乘守五車大水大飢兵起

熒惑入五車黃帝占曰大旱海中占曰兵大起五谷不成民飢軍絕糧巫咸曰天下亂郝萌曰大旱以所近星占中央四方各

有赦軍先軍先起而後有令

韓陽占曰火星出五車貴臣溺死

黃帝占曰火星入五車中犯乘守天庫星天兵亂十年乃止

火星入五車中犯乘守天倉星其下轉粟：大貴一日以食起兵

黃帝占曰火星過畢口直五車留一月兵連戰一歲留二月連戰二歲
留三月連戰三歲若留五車兵在外有小功得地百五十里留水
車當以水運為艱

火星守五車黃帝占曰五谷大貴人相食

郝萌曰易帝王天下有以車名為官者大敗又曰車器之恠又曰大

星守五車休格留十日有大喪又曰守二十日有喪以入日占何國

郝萌曰火星出五車東留二十日以上卿死之去之而復還其國君死之有大赦

火星舍五車西南陬民多死

鎮星入五車海中占曰兵火起車騎行五谷不成天下飢軍絕糧

郝萌曰以喪起兵國中

土星舍五車中央大旱多蟲在燕代尤甚舍五車東北六畜蕃

息繒帛大賤舍南高田收下田不收民多疾而不死舍西南布

帛貴棺木貴舍西北天下無事

土星逆行至五車邊兵發有赦令

太白入五車留不去金玉貴兵火起數十萬人戰以入日占之國都萌
曰太白入五車舍西北天下多死人馬多疾疫酒泉以西為甚
舍東北糴貴五倍

太白守五車黃帝占曰夷國亂人相食其國三歲不復又曰四夷
兵起中國兵所向無不勝有自王者將其民入中國中國有
大喜一日蚩夷主有死者邠萌曰太白乘守五車有大兵不
出九十日至中國兵戰勝

太白入五車犯守庫星兵起北方若西方

春秋文耀鉤曰太白入經五車四猾起

辰星入五車乘犯守之兵起庫以潦開天文志云水入五車天下水
火黃帝占曰水乘守五車國以水起兵犯倉星谷貴犯庫星
兵起西方若北方

客星犯守五車兵起滿野天下半傾百姓徒居去其鄉土期三
年犯之谷貴

客星入五車車倍價一日所守國貴有赦荊州占曰人相食火水
星色黃人主受賀色黑有喪大人當之色赤有兵

客星出五車兵出玄冥占曰天下兵起將相憂五谷大貴以曰占國

守五車大喪兵起將出令國易政

客星出入五車中近天庫兵起近天獄水泛溢近天倉近棺貴近司空民流亡近鄉大旱

客星守三柱地動水溢

流星入五車有外使來以色占之一曰天下兵車騎發先起者昌却萌曰流星入五車以甲子日中為粟車期三十日粟貴丙午日中為麥車期二十日麥貴戊寅日中為豆車期二十七日豆貴庚申日中為麻車期二十日麻貴壬戌日為黍車期十日黍貴以其日所見流星之處占其地

流星抵五車所抵之谷地貴則一年遠三年

流星出五車色白諸侯以車為憂色黃受賀色赤言兵車其出

色青黑人多死各以日占

流星犯衝五車水旱不調人君有憂

彗孛犯五車兵車滿野天下半傾百姓徙去不居其鄉明年

彗孛出五車兵大起有戰糴貴人飢一曰主賣位谷霜災一曰

彗五車臣伐君

彗孛守五車先起兵者昌後起兵者亡

蒼白氣入五車兵大起民流亡

赤氣入五車兵起大戰

赤氣出五車兵車大出

天潢

總叙

天潢五星在五車中天地也一日五潢主渡人神通四方亦主津梁濟渡之處其星明則主壽昌津梁通民無災疫不見則津梁不通

雜干犯占

月犯天潢不出二百兵起道路阻天下易政貴人多死

五星入五車犯守天潢兵大起天下大擾亂易政貴人死運道不通
木星入天潢人主以水為害

火星守天潢邪萌曰牛馬病死腐爛道旁陳卓曰賊起水中一
曰有淫雨巫咸曰大旱大殘大亂以其所近車星占中央四方
人死不葬易世立王

土星入天潢大旱大亂巫咸曰人死不葬易世立王

金星守犯天潢大水五谷不成糴大貴期不出一年一曰人主以
水為害若以井為害以人日占國

水星守犯天潢大水五谷不成水兵起

客星入犯天潢兵起車道不通天下大亂易政貴人死守之大水
以入日占國

流星入天潢大水

蒼白黑氣入天潢有死喪憂出之則禍除

赤氣入天潢兵內起

黃氣入天潢若出之天子有喜有兵則兵罷

赤氣出天潢兵出戰

赤氣出入如揚波者兵庫災

咸池

總叙

咸池三星在五車中央天潢南一曰黃龍一曰黃池一曰天淵一曰天井水魚之圖也主陂池又主五穀其星明大有龍墜死虎狼害人兵大起移動失常則旱不具則津梁不通

雜干犯占

月入咸池彘兵起一曰天下乱人君死易政一曰津梁不通五星犯咸池甘氏曰有兵喪若旱且有大大水道路不通貴人死以入日占國一曰天子且以大為敗失忠臣天下乱易政人主憂水星守犯咸池處南旱處北水

火星守犯咸池天下旱一日地動山崩甘氏曰火入咸池因行其中是謂致師諸侯並起天下大亂

土星守犯咸池天下大旱一日有女子迷天子而為亂者

金星入守犯咸池糴貴左右近臣有迷惑人主者荊州占曰大兵起數萬人戰石氏曰君死以入日占國又曰大臣為亂易政令

水星入犯咸池天下大水兵五谷大貴

客星入守咸池人君憂天下大水荊州占曰君死以入日占國

流星出咸池兵起從星所之

流星入咸池大水有喪

蒼白氣入咸池水重多死一曰池中魚多飛亡

黑入咸池大水

黃白氣入咸池天子有喜出則有神魚見

赤氣出咸池旱

天街

總叙

天街二星在昴畢間黃道之所經陰陽之所分也主國界街南為華夏之國街北為夷狄之國街北昴以西也街南畢以東也天街處其中為日月五星出入之道至咸曰水道也星明則

主道正暗則兵起

雜干犯占

月行天街中天下寧百姓順月行不由天街王者政令不行不出期
年有兵

五星犯天街郝萌曰諸侯自立為王一曰大水

五星留止天街中兵起

石氏曰五星守犯天街徘徊亂行主弱臣強道路阻絕天下不通

五星逆行天街中皆為兵起

火星舍天街中郝萌占曰有大赦犯守之政塞奸出上下相疑四方

隔絕無有通時又曰國絕嗣以入日言何國一曰火星犯天街胡
兵起歲飢

客星犯天街有內賊

彗孛出天街諸侯並起天子自理兵一曰有內賊

天關

總叙

天關一星在五車南畢西北天門也主開塞在黃道之中日月
五星之所必由其星明大則天下平星亡則大兵起芒角則天下
有兵移徙與五星合則門國晝閉大將披甲

雜干犯占

月五星不由天關行不朝之國有叛臣君命不行一曰主失道臣謀君
兵起

月掩天關有亂臣更天子之法生關津者有罪一曰人主有憂

五星守天關大臣有不道者有兵起貴人多死一曰天下相疑有關梁之令
木星守天關又為大水人飢

火星守天關石氏曰多盜賊道路不通弟攻兄臣攻君子攻父有不朝
之國不臣之臣兵起荊州占曰守二十日至四十日有大赦玄冥占曰二月十
月守之二十日若三十日必有大赦期不出其年

海中占曰火出入天關必有置立開塞之事一日兵逆起

火星逆行守天關車馬有急行兵大起士卒滿野期九十日一日兵起
東方荆州占曰不出百日天下兵悉起有大戰

土星行天關中當去不去徘徊亂行光色盛怒天隔下絕道路不通
土星守天關至咸曰王者雍蔽信使不達關梁阻塞一日貴人多死
金星出入天關荆州占曰万人皆戰死石氏曰太白徘徊行天關中當
去不去光色盛怒天下隔絕道路不通

太白提天關出入貴人多死万物大傷

太白守天關海中占曰臣謀主歲大水守之二十日水兵大起有大赦

郝萌曰大臣反西官候曰民相驚道不通

客星入天關天下有急門市閉塞人多疾病多盜賊一日諸侯不通民相
攻子伐父弟伐兄臣伐君各去其鄉石氏曰兵戰不勝出之兵起不
戰守之天下不通牛馬大貴民飢有自賣者又曰不出三年有德令
流星入抵天關天下多盜賊有急關梁不通人大憂遠期一年近丰年
彗孛出天關兵大起道路不通多盜賊

彗孛入犯守天關天下道絕人主憂

黃氣入天關四方未貢

天節

總叙

天節八星在畢附耳之南使臣之所持也主宣德威以行四方其星小而明則使節使忠直天子令行不明則奉使失職不見則四方不奉

王命

雜干犯占

金大水守天節荊州占曰持節臣有奸謀若使臣死

客星入犯天節胡王死一曰使臣憂

彗孛犯天節主令不行

諸王

總叙

諸王六星在五車星南漢中主藩屏王室又主朝會主存亡其星明列
正則諸侯奉法天下安寧不明則臣有叛者宗社傾危四方兵起
雜干犯占

月犯諸王貴戚諸侯有憂

金水火犯守諸王宗戚受誅一曰人主以妃后之黨放恣結怨為天
下所謀

大星入犯守諸王下不信上王者微

彗孛客星犯諸王侯王憂然

彗孛客星出諸王諸侯稱帝在南為吳越楚在東為齊在西為秦在北為燕趙

天高

總叙

天高四星在諸王南參其西北近畢北主齋戒之門一曰天高為望氣之臺主視侵其星不明則官失其守陰陽不和移近井鉞則大臣誅否則高為下下為高

雜干犯占

月來犯天高外臣有誅者一曰將死

五星犯守天高其君齋戒不謹水旱不時有奇令一曰有赦

火星入天高大旱荊州占曰火星入天高留二十日有小赦三十日大赦
火星逆行天高中必有破軍死將亡國走王

蓬萊占曰火星守天高有反者守右高反者勝守左高反者不勝

太白入天高黃帝占曰從東方來入留三十日民受賜留五日其廷宮中
郝萌曰太白勾已天高國有大憂

客星入天高有奇令

荊州占曰客星入天高中成勾已有讀罪之令

郝萌曰客星從天高陰出有兵有走王亡臣從陽入有客兵入

客星守天高火神從天下妖祥自地出天子宮中夏爰火

彗孛出天高臣叛有改號若犯之赤地千里

月暈天高不六月必有大喪

月入天高暈三重天下道絕

白氣出天高早霜傷稼

九州殊口

總叙

九州殊口九星在天節南主九土重譯殊方異俗一日句風主聚議

一星不見一州有凶三星以上不見則天下亂常以十一月候

雜干犯占

金火守九州殊口九州兵起

客星犯九州殊口九州之民憂水若守之負海國不安起兵天下凶
彗孛出九州殊口九州兵亂

參旗

總叙

參旗九星在參西一曰天弓一曰參旗金官也主弓弩之用以候變
禦雉星不欲其大明明大則白衣會邊兵起微小而直則天下
息兵明而曲如張弓則天下兵大起九星不具則天下為兵而赦

雜干犯占

五星守參旗兵大起弓弩用大將出行弓矢貴

火星犯參旗邊兵起天下亂民驚國憂守之三十日有亡國陳卓曰
火守參旗下謀上

太白犯參旗春秋文曜鉤曰九州騷動天下皆兵弓不下絃矢不
舍苦天子憂

客星入參旗天下有變弓弩皆張

黃帝占曰有星出入天弓有削王

客星出參旗天下兵起大將出主憂

客星守參旗負海國不安兵起

流星入參旗兵大貴弓弩貴若出之將軍出

郝萌曰使星出入天宮匈奴兵起

彗孛出參旗有流血暴骨暴將軍死天下亂弓矢大貴

赤氣出參旗不出一年西戎來欲盜中國若侵地不出三年天下煩

擾百姓多憂

青氣出入同占

九游

總叙

九游九星在玉井西南天子之旗也一日天旗一日司曲主司五星之過
主統九州主道軍進退其星明靜則九州之牧得人微暗則小
人臨州光芒大或動搖則兵發

雜干犯占

熒惑守九游石氏曰日食星墜天下大亂

太白犯九游兵起

客星守九游諸侯起兵禽獸多死

彗星出九游天下亂兵大起

天園

總叙

天園十三星起天苑之南屈曲而橫列植菓菜之所也其星欲
勾曲而明則果實成牛馬羊皆吉不見則菓實不成牛馬羊
多死

雜干犯占

白氣出天園兵起

附耳

總叙

附耳一星在畢下主聽得失伺僭邪察不祥星盛則中國微有盜

賊邊候驚外國反移動則佞諛行

雜干犯占

月五星犯附耳皆為兵起將相有喪憂不即克退

客星守附耳兵飢多獄訟

蒼白氣入附耳將憂

赤氣入附耳則兵內起

黃白氣入附耳無兵兵起

黑氣入附耳將死

赤氣出附耳將出

黃白氣出附耳又為拜將

此宿雜座

座旗

總叙

座旗九星在司怪西北主別君臣尊卑之位其星明正則國有禮
則反是

雜干犯占

司怪

總叙

司怪四星在井鉞前主候天地日月星辰山川草木禽獸龍蛇之
變星不具則宮有怪天下多怪物

雜干犯占

彗字出司怪多妖祥僻偽起王大臣代主位

參宿雜座

玉井

總叙

玉井四星在參右足下水官也主水泉給厨其星微小如常則陰陽
和五谷成明大動搖則大水百姓飢

雜干犯占

五星入玉井強國失地出之強國復得地

平咸曰國有水憂若以水敗水物不成齊伯占曰天下大水

客星入玉井強國失地

郝萌曰天下有喪入守之三月以上其歲大水

客兵出玉井強國得地

一曰將軍出齊伯占曰軍已出為憂有大敗

流星入玉井中強國失地出之強國得地

郝萌曰有大流星入玉井不出其年大水以星小大遲速言之玄

冥占曰流星入玉井國以水為憂出之大盜或日出之將出

彗星出玉井兵大起強國失地

彗星守玉井天下大水海河溢民多死於水

青氣從參下入玉井中不出三年井水不可食

黃氣入玉井三日不出軍在外絕水

白氣入玉井兵起

赤氣潤澤入玉井有軍來降

彗孛出之天下有死於水者

軍井

總叙

軍井四星在玉井南軍中之井也主給軍饗又主水旱一曰軍井星動
搖則有大水

雜干犯占

月入軍井兵起

五星入軍井其年大水國多土工

客星守軍井軍中以水為憂

黃帝占曰客星入軍井天下大水

屏星

總叙

屏星二星在王南為屏風以障厠主疾病星不明則天子寢疾不具則天下人多疾病

雜干犯占

五星守天屏甘氏曰臣謀君貴人有誅死者

火星守天屏三日民疾疫二十日回移

客星入天屏民多病輔臣有憂

客星出入守犯天屏皆為疾病

流星入天屏若犯之皆為人多病死執法臣有戮者

彗星出天屏大有誅者国有憂民疾病有徙國

黑氣入天屏大疫

天廁

總叙

天廁四星在天屏東溷也主天下疾病其星色黃而明則吉蒼黑色則人主痿下之疾不具則貴人多病死若有陷廁之憂亡不見則天子有病天下人疫

雜干紀占

五星入守天廁天下大飢人相食死者太半

木星入守天廁又為大臣有戮死者

火星入守天廁天下大飢人相食民去其鄉君子賣衣小人賣地

黃帝占曰主病在下却萌曰大水出

黃白星入天廁天子有喜奇物見

蒼白星入天廁天子有陰病

青氣入天廁天子有憂

赤星入天廁有內兵

黑星入天廁人主死

客星入天廁若守之王者憂

玄冥占曰廁中有謀天子防陷廁

邾萌曰周伯星入天廁羅大賤民有余粟

老子星入天廁天下大飢

流星入天廁天下大飢人相食一曰大水有兵

彗星出天廁大人有憂若廁中有伏兵欲害主

彗星入天廁犯之天下飢人相食

蒼白氣入天廁天子有陰病

青氣入天廁內兵起

黑氣入天廁天子憂

白氣入天廁天子陰病

赤氣入天廁有兵出天廁則禍除

黃白氣出入天廁皆為有喜

天屎

總叙

天屎一星在天廁南主候吉凶色黃則吉色青白黑皆憂

黃帝占曰天屎明万物有命微則万物不昌不見則人多病死

一曰天屎黑大人死常以春分日候之其色黃潤而明則人無疾

天子安若青黑色則國飢人病腹病多死

雜干紀占

五星守天屎大人有疾天下飢人多死

火星守天屎又為旱

客星彗孛出天屎若守犯之大人病腹死天下亦多死者

流星入天屎若抵之天下飢民多病死

伐星

總叙

伐三星在參中天之都尉也不欲明有斬伐之事伐星踈法令

縱明與參等大臣有謀兵起

雜干犯占

月犯伐星貴臣憂

木星伐星兵起

火星犯伐星有赦

金星犯守伐星有赦

客星犯伐星大臣誅逆兵起

觀象玩占卷之三十一終